

Na osnovu člana 16. stav (1) i člana 17. stav (2) Zakona o Vladi Hercegovnačko - neretvanskog kantona („Službene novine HNK“, broj: 3/07, 5/09) i na osnovu člana 28. stav (6) Zakona o koncesijama Hercegovnačko - neretvanskog kantona („Službene novine HNK“, broj: 1/13, 7/16, 6/18, 9/19 i 1/21), Vlada Hercegovnačko - neretvanskog kantona je na _____ sjednici, održanoj dana _____ donijela

ODLUKU

o dodjeli koncesije za obavljanje elektroprivredne djelatnosti proizvodnje električne energije izgradnjom elektroenergetskog objekta FNE "Dvorana", na krovu postojećeg objekta sportske dvorane u Čapljini

I

Vlada Hercegovnačko – neretvanskog kantona kao Koncesor, dodjeljuje Koncesionaru privrednom društvu TAKTIK d.o.o. Grude, Blage Zadre broj 3, Grude, koncesiju za obavljanje elektroprivredne djelatnosti proizvodnje električne energije izgradnjom elektroenergetskog objekta FNE "Dvorana" instalisane snage 360 kW, na krovu postojećeg objekta sportske dvorane u Čapljini, na parceli k.č. broj 5634/1 K.O. Čapljina.

II

- (1) Koncesija se dodjeljuje na period od 25 godina od dana početka korištenja koncesije.
- (2) Rok trajanja koncesije počinje teći od prvog dana perioda važenja dozvole za rad za proizvodnju električne energije.
- (3) Koncesija prestaje istekom dvadeset pete godine od dana početka korištenja koncesije.

III

- (1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

IV

- (1) Jednokratna koncesiona naknada za fotonaponsku elektranu iznosi: 2.094,29 KM (slovima: dvijehiljadedevedesetčetiri konvertibilne marke i 29/100)
- (2) Tekuća (godišnja) koncesiona naknada je:
- koncesiona naknada za korištenje obnovljivih izvora i obavljanje djelatnosti (TKN) koja se obračunava prema formuli:
 $TKN = 0,03 \times GBP \times 0,05 \times 12,30$.
- (3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade, je bezuslovna bankarska garancija za svaku vrstu naknade posebno i to u vrijednosti iznosa ovih naknada, a ugovorom o koncesiji pobjiže će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

- (1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije i izgradnje elektroenergetskih postrojenja ove vrste.
- (2) Zakonski propisi i standardi koji regulišu pitanja građenja, zaštite okoliša, vodoprivrede i zaštite na radu, su također obavezujući za Koncesionara.

VI

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz tačke V ove Odluke, ukoliko postoje zakonske obaveze i uslovi za to ishodovanje i fotokopije istih dostaviti Koncesoru u roku od 15 dana po pravosnažnosti;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko – neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede, ili lice koje Ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko – neretvanskog kantona;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Koncesionar može, u roku od 15 dana od dana prijema ove Odluke, Vladi Hercegovačko - neretvanskog kantona, putem Ministarstva privrede HNK, podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

VIII

Ova Odluka stupa na snagu danom njene konačnosti, a objavit će se u „Službenim novinama Hercegovačko - neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: _____/23
Mostar, _____2023.godine

P R E D S J E D N I K

Nevenko Herceg